

Universitäts- und Landesbibliothek Bonn

**Patmowt'iwn horomosin ew tegagrowt'iwn marmašên
ews ayloc'omanc' vanôrêic'n i širak**

Mxit□arean, Abēl

i Vağaršapat, 1870

urn:nbn:de:hbz:5:1-12275

ՏԵՂԱԳՐՈՒԹԻՒՆ

Մ Ա Ր Մ Ա Շ Ի Ն Ո Յ

Վ ա ն ա ց ն

Ի Շ Ի Ր Ա Կ



ա ր ա ր Ե ա Լ

ՍԵԷԼ Արտագրչական Միեմարտանց



Ի Վ Ա Ղ Ա Ր Շ Ա Պ Ա Տ

Ի Տ Պ Ա Ր Ա Ն Ի Ս Ր Բ Ո Յ Կ Ա Ք Ո Ղ Ի Կ Ե Է Ջ Մ Ի Ա Շ Ն Ի

Ռ Յ Ժ Ժ — 1870

ՏԵՂԱԳՐՈՒԹԻՒՆ ՄԱՐՄԱՀԻՆՈՅ (1)

ՎԱՆԱՑՆ

Ի Շ Ի Ր Ա Կ:

Մարմաշէն անուանեալ հոյակապ եկեղեցին շինեալ յաին Ախուրեան գետոյ 'ի Շիրակ' 'ի Վահրամայ Պաշաւունւոյ, յընդարձակ ձորամիջին 'ի տափարակ վայրի, 'ի հիւսիսոյ արեւմտից մերձ 'ի շրջապատ լերինսն Տայոց գաւառի յայժմեան տիրապետութեան Բուսաց յարեւելեայ մասին Թիրակայ:

Երեք հոյակապ եկեղեցիք են կոփածոյ կարմիր քարամիք, գմբեթաւորք և կամարազարդք արտաքուստ:

Միջին մեծն, որ և Մարմաշէն՝ է անսիւն. երկայնութիւն նորա յառաջոյ բեմին ցզուռն (արեւմտեան՝ է տասնևինն քայլ, և տասնևվեց 'ի լայնութիւն. ունի զմի սեղան պատարագի կիսարոյրակ առանձին կամարաւ 'ի ներքոյ արեւելեան կա-

(1) Մարմաշէն կոչեցեալ վանք, է ի դիւղն Ղանլիճայ ասացեալ, յեզր Ախուրեան գետոյ ի Շիրակ ի հիւսիսոյ Ալեքսանդրապօլու:

մարի որ 'ի վերայ երկուց առաջնոցն որմասեանց .
լայնութիւն ունելով տասն քայլ ըստ զրից սե-
ղանոյ Անուոյ կաթուղիկէին սրբոյ :

Ի կիսաբողոքակ զիրս անդ սեղանոյն յետուստ
խաչկալին են կիսամարդաչափ բարձրութեամբ՝
եօթն պատուհանք յորմն, կամարածիգ և սիւնա-
զարդք 'ի փոքրիկ դրութիւնս իւրեանց . յորոց 'ի
պուխս է ուղղածիգ շքանակ ծաղկանց միւսիումն
քարամբք . և 'ի ներքուստ նոցա կամարք ըստ գըլ-
խոցն՝ այլ ոչ ծաղկենկարք :

Աւնի զերկուս խորանս յաջմէ և յաճեկէ սե-
ղանոյն , որոց դրունք բացեալ են ստորև քան
պայն . յորս իջանեն 'ի սեղանոյն առանձին սանդ-
ղովք , որոշ եղելովք 'ի սանդղոց սեղանոյն . զի ա-
րևելեայ երկոքին որմասիւնքն փակեալ են յի-
տուստ զառաջս դրանցն խորանաց . և միջոցք ընդ
դրունսն և ընդ որմասիւնս բաժանեալ գոյով 'ի
միմեանց , 'ի բարձրութեան անդ արկեալ են այլ
կամարք նեղսագոյնք . որովք միացեալ է սիւնն ընդ
որմոյն . և 'ի պուխս նեղսագոյն կամարացն 'ի մի-
ութեան անդ բացեալ են փոքրիկ դրունք քառա-
կուսի , ընդ որս վերնայարկք խորանացն , և ելք
'ի տանիս Եկեղեցւոյն :

Չորեքին որմասիւնք Եկեղեցւոյն զձև ունին յար

և նման սեանց կաթուղիկէ Եկեղեցւոյն 'ի խորշո
հնգեակ անկեամբք և կրկնակամարօք. յորոց վե-
րայ հաստատեալ զմբէթն կարի շքեղ բարձրու-
թեամբ չորիւք լուսամտօք :

Յորմն արեւմտեան են այլ երկու փոքրիկ որ-
մասիւնք, կրելով 'ի զլուսս իւրեանց զնեղսագոյն
կամարս ստոր քան զչորեսին հանդիպահայեացսն
'ի ներքոյ կաթուղիկէին . որով սակաւ ինչ ըն-
դարձակեալ յետին դաս ժողովրդեան :

Այս հոյակապ Եկեղեցի Մարմաշէն ունի 'ի գե-
ղեցիկ դիրս իւր զմի դուռն միայն յարեւմտից . և
վերիս լուսամուտս՝ մի 'ի սեղանն , և զերկուս 'ի
հիւսիսոյ և 'ի հարաւոյ :

Կաթուղիկէն արտաքուստ է կարի հրաշակերս
և սիւնազարդ 'ի շրջապատսն իւր, անկիւնաւոր
կամարածգութեամբք 'ի զլուսս լուսամտացն. զո-
րոց զնմանն չունին այլ Եկեղեցիք Հիրակայ :

Ըստ սմին օրինակի է և շրջապատ Եկեղեցւոյն
նոյնպէս խորանարդ սիւնազարդութեամբ. և շրջա-
նակք լուսամտացն ըստ ամենայնի դրուագագործք
և քերութաքանդակ :

Սա ևս ըստ Հատիճոյ Աստուածածնին՝ ունի
արտաքուստ յարեւելից , 'ի հարաւային և 'ի հիւ-
սիսային որմունս՝ զբարձրադիր խորշո ծոցացեալս

Հաւասար բարձրութեանց որմասեանց որ 'ի ներ-
քուստ 'ի մէջ Եկեղեցւոյն՝ գեղեցիկ կամարա-
զարդութեամբք. իսկ շրջանակք եզերաց տանեաց
տաճարին համակ են մանրածաղիկ նկարք:

Ժամատուն փոքրիկ կառուցեալ 'ի վերայ չորից
ութանկիւնաւոր և միապաղաղ սեանց՝ յառաջոյ
արևմտեան դրան տաճարին. որոց այժմ միայն
ներքնախարիսխք և կիսակործան սիւնք տեսանին
անկեալ առ տեղեաւն, որպէս և որմասիւնքն չո-
րիքին 'ի նորոգ շարուածս շրջապատ որմոցն զա-
ռաջեաւ եկեղեցւոյն 'ի ներկայ բնակչացն:

Առ դրան Եկեղեցւոյն երկուստեք գոն տապանք
ննջեցելոց, յորս արձանագիրն հիւսիսակողման
վկայէ լինել և գերեզման Աահրամայ իշխատին
Պալհաւունւոյ, նախկին հիմնադրի Եկեղեցւոյս. և
առ նմա յետոյ ուրեմն ամփոփեալ մարմին Խա-
րխի Մագիստրոսին՝ եղծօր տէր Գրիգոր Արհի Ե-
պիսկոպոսին. որ 'ի զարմէ Իշխանին Պալհաւուն-
ւոյ ծագեալ, յետ իբր հարիւր իննսուն և վեց
ամաց իշխանութեանն, վերստին նորոգեաց զսուրբ
ուխտն Մարմաշէն այն է, յամի Տեառն 1225
(ՈՀԻ.) բայց զի՛ չունին տապանագիրս և ոչ մին
'ի նոցունց, փասն այն և անյայտ մնայ գերեզման
Պալհաւունի Իշխանին:

Իսկ մարմին Սուփիա անուն կնոջ Վահրամայ, դատեր Տիգրանայ Հայոց Մարզպանի՝ տեառն Անձեացեաց Վասպուրականի, գտանէր ամիսփեալ մերձ ՚ի վերի վանքն ասացեալ յարձանագրին՝ յայժմեան վերի փոքրն Ղանլիճայ, կոչեցեալ սուրբ Ստեփաննոս, ըստ նոյն արձանագրին վկայելոյ. ոյր և տապանագիր գերեզմանին՝ ունէր օրինակ զայս :
 "Այս հանգիստ է Սուփիա աղախնոյ Բրիստոսի կնոջ Վահրամայ Պաշաւունի Իշխանաց Իշխանին դատեր Տիգրանայ Հայոց Մարզպանի տեառն Անձեացեաց մեծին Վասպուրականի. կիսօրեայ առ Աստուած փոխեալ Թաղեցայ. և Թողի զաւակս իմ տրտում. աղաչեմ յիշեսցիք զիս, և Աստուած ձեզ ողորմեսցի. ՚ի ՆԿԳ. Թուին" :

Այլ զայս տապանաւէմ յամին 1824՝ փոխադրեալ անտի յայժմեան ներքին Ղանլիճայ գիւղ, եղեալ են ՚ի վերայ Պօղոս անուն ուրումն քահանայի վախճանելոյ անդէն :

Ամանք ՚ի գերեզմանացն որ առ դրան Մարմաշինոյ, ունին զյայտնի տապանագրութիւնս ըստ այսմ :

"Այս հանգիստ է Ապուղամբի որդւոյ Մազիստրոսի . . . որ երևի Հայր Գրիգոր արհի Եպիսկոպոսի՝ նորոգողի տաճարիս ՚ի Թուին որպէս ասացաք՝ ԱՀԳ. :

"Այս է հանգիստ Ղա . . . իս որդւոյ Ապու-
ղամբի" . . . Եւ այս երեւի՝ եղբայր նորա :

Ի վերոյ քան զայսոսիկ դամբարանս 'ի հիւսի-
սակողմն դրան տաճարին գոյ խաչ մի փոքրիկ փո-
րեալ 'ի վիմի՝ յորմն. յորոյ 'ի ներքոյ՝ "Թիւ ՆԷ.
Ես Մատաթէս կանգնեցի" :

Ի հիւսիսոյ և 'ի հարաւոյ մեծի տաճարին որպէս
ասացաք 'ի վերն՝ են երկու փոքրիկ Եկեղեցիք կո-
փածոյ քարամբք՝ և սրածայր կաթուղիկէիւք .
որոց քարինք որմոցն արտաքուստ վերուստ 'ի վայր
քակեալ յայլազգեաց, բարձեալ են այլուր. յա-
ղագս որոյ և չգտաւ արձան յիշատակի յերկոսին ևս :

Ի շրջապատս Եկեղեցւոյս չեղև նշմարել մեզ
զհետք ինչ մենաստանի, որ եղեալ է ըստ արձա-
նագրին վկայելոյ՝ "Վանք քահանայից կրօնաւո-
րաց հաճոյացելոց Աստուծոյ, առ 'ի լնուլ զպէսս
կարևորս զիւրեանց և զե՛լաց" ուր և վանահայր
լեալ յաւուրս մեծի առն Վահրամայ՝ սուրբ Հօր
Երեմիայի և Սոսթենեսի նորին յաջորդի :

Արձանագիրք շինութեան և նորոգութեան Մար-
մաշինոյ ուխտին, որք առ մեզք ևս անեղձանելի
կան յորմունս նորա՝ վկայք նախնի փառաց և
հարստութեանն, և ինչ ինչ յիշատակատուաց .
ևս և աւերանացն և ամայութեան ըստ ժամա-

նակին բերման, են ամենայնն այսոքիկ ըստ այսմ
կարգի :

Արշամագիւր շնորհաւորութեան արարատուութիւնս ՚ի վերայ
հարաւային որմայն :

"Շնորհիւն Աստուծոյ եւ Աահրամ իշխանաց
իշխան եւ Անթիպատ Պատրիկ որդի Գրիգորի Իշ-
խանի Հայոց մեծաց, ՚ի ցեղէ Պալհաւունի եւ ՚ի
զարմից սրբոյն Գրիգորի Հայոց Լուսա. որչի. որ
յաղագս ՚ի Քրիստոս յուսոյն հիմնադրեցի զսուրբ
եւ զտիեզերական ուխտս Մարմաշէն, սկսեալ ՚ի
ՆԼԷ. թուականին Հայոց յաւուրս Սմբատայ որ-
դոյ Աշոտոյ Հայոց թագաւորի, մինչև ՚ի ժամա-
նակս Յովանիսի որդոյ Գագկայ Հայոց Շահնշահի
առն իմաստնոյ շինողի եւ խաղաղարարի : Եւ ՚ի
թուականիս Հայոց ՆԼԷ. եւ կատարեցաք մեծաւ
ջանիւ եւ բազում ծախիւք եւս եւ մայր իմ Շուշիկ
Հայոց Տիկնաց Տիկին, եւ եղբարք իմ Աասակ
իշխանաց իշխան, որ նահատակեցաւ ՚ի Բուրքաց
պատերազմի, եւ Ապլխարիպ Հայոց Մարզպան եւ
մանուկն Համգէ. որք էաք ամենայն տամբ եւ տոհ-
միւ հաւատարիմք տերանց մերոց . եւ նահատա-
կեալ ՚ի վերայ տանս Հայոց աշխատութեամբ եւ
արեամբ մեր եւ որդոց մերոց եւ զանձուց առատու-

թեամբ : և ամենայն հնարիւք խնդրեաք զխաղա-
 դութիւն աշխարհի և զհաստատութիւն Եկեղե-
 ցեաց . շինեցաք և այլ բազում Եկեղեցիս և վա-
 նորայս . բայց զտեղի հանդստեանս մերոյ առաւել
 պատուով մեծացուցաք և լիացուցաք ամենայն
 գոյիւք , լերամբք և դաշտաւք . աւանդեցաք 'ի սա
 գեղս և ագարակս Գանձագինս զԲագարանի գեղ ,
 և զԻւր ագարակն . զԳողիսն , զՊորտանգն , զՍը-
 րագէճ (1) և զԱպատաղասմանէս և զԵղնկայն . 'ի
 յԱւշականի այգիք և երեք ջաղաց և երկու ջաղաց
 'ի Գողս . 'ի յԱշտարակի այգի , 'ի Վարբոյ դաշտի
 այգի , 'ի Սերկիւլի այգի , 'ի Վժան այգի (2) 'ի Մրե-
 նի' այգի , 'ի յԱնի տներ և կղպականք . և զարդա-
 րեցաք զսա ամենայն կազմութեամբ 'ի յիշատակ
 յաւիտենից մեզ և որդոց մերոց : Եւ կարգեցաք
 'ի ձեռն սուրբ հաւր Նրեմիայի և որ զկնի յաջոր-
 դեցաւ Սոսթենէս նորին որդիացեալ . Եւ փոխարէն
 հատուցման ընկալեալ մեր 'ի ժառանգաւորաց
 սուրբ Ուխտիս տարին 2. քառասունք անխափան

(1) Ի տպագրեալն Ս. Զօր Շահխաթունեան "զԱրագէճ :

(2) Գիւղորայքն ի յՅշականայ եւ մինչ ցՅիւն 2. են
 յԱրագածոտն դաւտի , եւ անտի ի Մրենայ եւ
 ցվերջ ի Շիրակ :

մինչև 'ի գալուստն Քրիստոսի: Արդ եթէ ո՛ք 'ի մերոց կամ յաւտարաց ով ո՛ք (1) որ զմեր տուրս 'ի սուրբ ուխտէս պակասեցուցանէ, կամ հայր որ զմեր ժամն խափանէ, ինքն որոշեալ լիցի 'ի Քրիստոսէ. և դատողն նորա սատանա լիցի. և մի տեսցէ զփառս Աստուծոյ. իսկ որք հաստատուն պահեն զաւանդս մեր, աւրհնեալ եղիցին:

Մերչ արշամապրին շնո-Նեան 'ի նայն հո-տ-տար-Նեան 'ի վերայ յիշեալ հարտ-ային որ-հայն՝ յարե-ճո-պն հոյս:

”Շնորհիւն Աստուծոյ ես Մարիամ Ափխազաց եւ Հայոց թագուհի դուստր մեծին Սենեքարիմայ եւ թոռն Քազկայ Հայոց արքայի որ ետու զՏարուս 'ի սուրբ և 'ի տիեզերական ուխտս Մարմաշէն առաջնորդութեամբ հաւր Սոսթենէսի վասն Քազկայ իմ պապուն մեղաց թողութեան եւ Վատային իմ հանկանն. եւ հատուցումն բարի ընկալայ 'ի սրբոցս զսեանն Եկեղեցին (2). զսուրբ Պետ-

(1) Ի տպա. Շահխամունեանի դնի, աւագ:

(2) Սեան Եկեղեցի սուրբ Պետրոս կոչեցեալ, երևի լինիլ միումն ի կողմնական աաճարացն փորունց, յաղագս սիւնաճև երեւելոյն երկուստեք մեծի Եկեղե-

րոս 'ի Քրիստոս պատարագաւ զտարին ողջոյն Վա-
տային իմ հանկանն մինչև 'ի գալուստն Քրիստոսի:
Արդ եթէ որ 'ի մեծամեծաց կամ 'ի փոքունց 'ի Հա-
յոց կամ 'ի Վրաց՝ որ այս գրոյս հակառակ կոյ
եւ զիմ գիւղն զՏարուս 'ի յայս ուխտէս հանէ,

ցոյն. յորոց Հ. Շահխամունեան հաւանական համարի
Մարմարաշէն անուանակոչել մեծի Եկեղեցւոյն. բայց,
որպէս ոչ ցուցանեն արձանագիրք զսոյն, նոյնպէս
եւ երկուքին կողմնական տաճարքն փոքրիկք ոչ տան
զհաւանական կարծիս յինքեանց այնպէս անուանա-
կոչելոյն. զի հետաքրքրական մտաց այս է հաւանա-
կան, եթէ յանուն ճարտարապետին իցէ կոչեցեալ
Մարմաշէն, ըստորում եւ այսմ կարծեաց համաձայն
զայ բանք արձանագրին վերանորոգութեան. որ ստո-
բեւ. ուր որպէս երեւի, վերանորոգողք Եկեղեցւոյն
զուրպ յազգէ եւ սերունդք Վահրամայ հիմնադրին,
յետ վերանորոգութեան խրեանց, անուանեն զեկեղե-
ցին Մարմաշէն, Տիրաշէն, իբրու ի տեսաց վերա-
նորոգեալ: Այլ ի վերայ այսր ամենայնի, լաւ եւս էր
նմին իսկ Վահրամայ կամ զիրաշէն եկեղեցին կոչել
Վահրամաշէն, եւ յանուն սրբոյ ուրումն կառուցա-
նել զայն, որպիսիք զոն եւ այլուր, Վատակաշէն,
Համամաշէն, եւ կամ զբացատրութիւն Մարմաշէն

ինքն ելցէ 'ի կենացն Աստուծոյ եւ պարտական
իցի արեանն Քրիստոսի եւ մի' տեսցէ զփառս Աս-
տուծոյ. իսկ որ հաստատուն պահեն զաւանդս
մեր, աւրհնեալ եղիցին”:

Արձանագիրք Վերանորոգութեան Մարմարաշէնոյ՝
յորժն հիւսիսային աբաբաթոսոս:

”Ի ժամանակս բարեպաշտից եւ Աստուածասի-
րաց պատրոնաց Աթաբակ Իւանէր եւ Մանդատոր

ուխտին յաւելուլ շարժանագիրն, եւ չժանրարեա-
նել ի վերայ հետաքրքիր յետադայից, զընդունայն վէճս
այսպէս կամ սղնպէս անուանակոչութեան Եկեղեցւոյն:

Իսկ որք ակնարկեն Մարմարաշէն կոչել զՄարմա-
շէնն, հեռի են ամենեւին ի մտաց հիմնադրին եւ
նորին արձանագրութեանն. զի ոչ միայն չիք ամենե-
ւին ի նմին եկեղեցւոջ մարմարոնեայ շինուածք,
որպէս նորին կարծեցին, այլ եւ չիք եւ ոչ մի բար
մարմարոնեայ ի շինուածս եւ յորժունս նորա. եւ ոչ
իսկ հանք մարմարոնեայց լուեալ ցարգ եւ նշմա-
րեալ ի շրջապատս եւ ի մերձակայս նորա: Եթէ
լինէր, ապաքէն Տէրութիւնն Ռուսաց արդէն վաղու-
րեմն էր բացեալ յօգուտ արքունի, թող զԱղեքսանդ-
րապօլսոյ քա լաբացիս վեռանդունս ի սէր շինութեանց:

Քախուցէ Շահանշահի, հրամանաւ սոցին վերըս-
 տին նորոգումն եղև հրաշափառ տաճարին Աս-
 տուծոյ, Մալս լուսոյ Կաթուղիկէիս Մարմա-
 շինոյ, ՚ի ձեռն որդոյ Ապուղամբի Մագիստրոսի
 տէր Գրիգորոյ արհի Եպիսկոպոսի և հարազատի
 իմոյ Խարիլին թոռանց Վահրամայ Իշխանաց
 իշխանին, զարմից և շառաւիղին սրբոյն Գրիգորի
 շինողի ՚ի հիմանց մեծաւ տենչմամբ եւ յուսով
 զսա վասն բազմագումար քահանայից, եւ պար-
 գևեալ արդիւնս յոլմս գիւղաւրայս, այգեստանս
 կուղպականի եւ ջաղացանի, որ եւ ցուցանէ իւր
 արձանագիրն մի ըստ միողէ. եւ փարթամացու-
 ցեալ ամենայն գոյիւք առ ՚ի ընուլ եւ առաւելուլ
 զպէտս կարևորս զիւրեանց եւ զեկաց. եւ ժամա-
 նակս ոչ սակաւս, զի աւերեալ էր յանաւրինաց
 եւ զվանքս գեղ արարեալ եւ զկաթուղիկէս բեր-
 դանման ամրացուցեալ, եւ կայր ՚ի խաւարի եւ
 ՚ի սգաւորութեան զրկեալ յամենայն գոյից մինչև
 յաւուրս յայտոսիկ. Իսկ ՚ի ՈՀԳ. թուականիս
 Հայոց քաջ եւ արի զաւրականն Քրիստոսի սի-
 րելի եղբայրն իմ Խարիլին իմով կամակցութեամբ
 խորհուրդ բարի ՚ի միտ արկեալ ազատել զսա ՚ի
 տղմուտ եւ ՚ի զաղիր մթնազգածութենէն, հա-
 րուցանել նախկի փառաւորութեանն, հանեալ

արտաքս զշինականան, եւ եղև բնակարան սրբոց
 քահանայից եւ կրաւնաւորաց հաճոյացելոց Աս-
 տուծոյ, զարդարեցաք զսա սպասիւք պայծառա-
 զգեստիւք սրբութեամբք ոսկեղէն եւ արծաթեղէն
 հին եւ նոր կտակարանաւք եկեղեցականաւք, եւ ըն-
 ձայեցաք ՚ի սմա նուէր զմեր հայրենի գեղն. զԱ-
 զատա, եւ որ ՚ի վանիցս, հողիս վերայ շինեցաք,
 եւ անուանի Տիրաշէն. եւ յայսկոյս գետոյն ջա-
 ղացանի 5. որ կան ՚ի կամրջէն ՚ի վայր եւ վեր
 զխոտ զհող եւ զոր ինչ իսկզբանէ ունէին, եւ ՚ի
 քաղաքիս զմեր պապենի հայրենիք եկեղեցին
 զսուրբ Ստեփաննոս բոլոր ամենայն ժողովրդ-
 դեամբն, եւ երկու այգի ՚ի Մարմէտի որ ՚ի
 Նախնեաց մերոց ՚ի մեզ էր հասեալ. եւ միաւո-
 ընցաք զվերի վանքն մեծ վանիցս իւր ամենայն
 ստացուածաւք եւ լիցի հրամանաւ միոյ Առաջնոր-
 դի. մինչ այս առ այսչափ, կատարեցաւ առ ժա-
 մայն գեղեցկագեղ եղբայրն իմ Խարիւի Մագիստ-
 րոսն գովեալն յամենայն լեզուաց մարտիրոսացաւ
 ՚ի պատերազմի անաւրինաց, եւ միայն մնացի ես
 Գրիգոր եղկելի եւ զըկեալ ՚ի նմանէ, զմարմինն ու-
 թա բերեալ թաղեցաք առ զրան սրբոյ կաթուղի-
 Կէիս մերձ առ նշխարս հաւուն մերոյ Աահրամայ
 իշխանի, եւ փոխարէն հատուցեն սպասաւորք սո-

բա ընդ մերոյ արդեանցս զոր արարաք, զՎաթու-
ղիկէիս զաւագ խորանին պատարագ յանուն նա-
հատակին Քրիստոսի Խարսիին կատարել յամե-
նայն օր իսկզբանէ տարոյն մինչև ցկատարումն
տարոյն յայսմ հետէ մինչ ՚ի ծաղումն որդոյն
Աստուծոյ. որ ոք խափանէ կամ շորթել ջանայ
յընչից եկեղեցւոյս, որոշեսցի ՚ի փառացն Աստու-
ծոյ եւ զըկեսցի ՚ի մշտնջենական կենացն. կատա-
րիչք զրելոցս աւրհնեսցին յԱստուծոյ եւ ՚ի սրբոց
նորա յոգի եւ ՚ի մարմին” :

Աւշանաշէր ՚ի Տակար գրան հի-սիսակողման
խորանին :

Պես տէր Քրիզորս տեառն Սարգսի ետու զիմ
սուրբ նշանս ՚ի սուրբ ուխտս Մարմաշինի . եւ փո-
խարէն հատուցման զՎարդեւորին քառասունքն
և զԽաչին ութաւրէքն, մինչ ես կենդանի եմ,
տեառն Սարգսի, եւ յետ իմ վախճանին՝ ինձ. եւ
եթէ որ առաջնորդ որ լինի խափանէ, նզովեալ
եղիցի. ՚ի սմա կատարիչ զրոյդ աւրհնեալ եղիցին” :

Տեղ-գրո-նի-ն Հագեղան + կող-ցե-ալ վանաց,
որ ՚ի հարա-ային Էդր գո-առ-նի Շիրակայ :

Հոգեվանք անուանեալ հոյակապ Եկեղեցի՝ Է
մե՛րձ ՚ի Սօլըթլու գեղջ յարևմտեան հովիտս ստու-

րոտին Արագածու լերին 'ի ձորամէջ վայրի 'ի գա-
ւառին Շիրակայ. կառուցեալ փառահեղ կաթու-
ղիկէիւ կոփածոյ ցարդ ամբողջ 'ի վերայ առուին,
որ գայ 'ի գեղջէն, և խոտորեալ 'ի հիւսիս, գնայ
ելանէ 'ի Բողաղքեասան կոչեցեալ գիւղ 'ի նոյն
գաւառի. և է հետի 'ի Սօկրթլուայ՝ գրեթէ մի
ժամ հեռաւորութեամբ, 'ի լանջս արեւմտեան գօ-
տեաց մեծի լերինն, զերես յարևելս ունելով:

Եկեղեցին Հոգեվանք կոչեցեալ յարձանագիրս
իւր՝ է անսիւն՝ հաստատեալ կաթուղիկէն 'ի վե-
րայ կամարաց չորից որմասեանց. որք են երեք բո-
լորակք միակցուրդք ձևացեալ յորմն 'ի վեր մին-
չև 'ի չորեսին անկիւնաւոր վերնախարիսխն 'ի ներ-
քոյ կամարացն, յորոյ վերայ և կամար մի բոլո-
րակ կողմնակի անկեալ. ունի 'ի վերայ՝ զգմբէթն
չորիւք լուսամտօք:

Արտաքին երևոյթ գմբէթին է միանման անղարդ
բոլորակ՝ կարմիր քարամբք. բայց յեկերս գմբե-
թայարկին՝ քանդակագործ սևերանգ գործեալ.
Իսկ յարկ նորա՝ խորշ խորշ քարամբք բարձրա-
ցուցեալ մինչև ցզլուին. ուր փոքր մի առ հնու-
թեանն՝ երևին հետք աւերանաց և առանց խաչի,
այլ 'ի ներքուստ կարի ամբողջ:

Ունի տաճարն զմի սեղան հանդերձ խորհրդա-

նոցիւ, և զերկուս խորանս յաջմէ և յահեկէ նորա. չորս այլ ևս ՚ի չորից կուսէ եկեղեցւոյն են լուսամուտք ՚ի ներքուստ լայն ձեացեալք, և արտաքուստ նեղսագոյն բարակ և երկայն. ՚ի չորեսին որմունս նորա արտաքուստ են երկնու երկու խորշք կիսաբոլորակ կամարօք փոսացեալք յորմն, որոց նմանք տեսանին յոմանս յեկեղեցիս ստորագրեալս ՚ի մէնջ. հարաւային որմն նորա խոնարհեալ է արտաքուստ. այլ ըստ ներքին մասանց ամբողջ ըստ ամենայնի:

Զերկուս դրունս ունի յարեմտից և ՚ի հիւսիսոյ՝ կիսով չափ թաղեալ ՚ի փշուածն, որպէս և միջին յատակ եկեղեցւոյն. յորում ճակատք դրանց խորանացն միայն երևին. ընդ որս մարդիկ ՚ի ծունկս անկեալ հազիւ մտանեն. Ի ճակատս երկուցն ևս դրանց գոն փառաւոր և ընդարձակ յիշատակաց արձանագիրք ՚ի վերայ միակտուր և կիսաբոլորակ քարանց ՚ի ներքոյ կամարաց դրանցն. յորոց և հիւսիսայնոյն յիշատակարան ունի զթըւական ՚ի զլուխ դրոցն ըստ այսմ: Թ. Ծ. Վ. այլ արձանագրութիւնքն բովանդակ գրեթէ եղծեալ յանօրէն ձեռաց. փորելով զտառսն մեծ մասամբք ՚ի տողավերջս, որպէս ՚ի ներքոյ:

”Վ տէրութեան

Ոտ Վարդան
 տ է ր և ծ

Իսկ 'ի վերայ արևմտեան դրանն արձանագրի՝
 գտաւ և անուն վանացս և նորին Առաջնորդի՝
 գուցէ 'ի շինութեանն. և ընթերցաւ ինչ ինչ յեղ-
 ծեցելոցն՝ 'ի միջավայրին. օրինակ զայս

" . . . 'ի հոգեվանքս . . .

յառաջնորդութեան հաւր Գեորգայ
 տարին գ. պատարագ . . . "

Յորմն արևելեան հարաւոյ գրի արձանագիր ան-
 վերժանելի :

Տէրաբարձի-ն Ահօյի-նա- անտանելոց
 Գեղը, և որ ան նախա- Վարացրէն հրազնի-
 ւան 'ի Շիրակի :

Ահօկի թլու (հին անունն անյայտ) գիւղ 'ի գա-
 ւառին Շիրակայ՝ անկանի յարևմտեան ստորոտս
 լերին Արագածու ընդ կողմն Շիրակայ հարաւային
 մասին 'ի լեռնամիջի. յորում արևմտեան և արև-
 ւելեան ըլուրք տարածին աղխաղխեալք մինչ ցհա-

բաւային եզերս դաշտավայրաց գաւառին, որոց
 ծայրք սկզբնաւորին 'ի հարաւային արեւմտեան
 ստորոտէ լերինն. յոր մերձ են Ատիեաման և Մաս-
 տարայ 'ի հարաւոյ այսր գեղջ :

Գիւղն կարի ընդարձակ անկեալ 'ի լանջս արե-
 ւելեան բլրակին կցորդ եղելումն աղխաղխք բլրոց,
 որք ձեացուցանեն զերկայնանիստ լեռնադաշտս
 արտատեղեաց նոցա, աստանօր 'ի վեր ընդ փոքրիկ
 ձորակ բլրակին 'ի բարձուէ գեղջն, է քարայրն
 մեծ, զոր շրջապատեն մեծամարմին կարմիր քա-
 ռինք, յորում և բղխէ աղբիւրն ականակիտ ըն-
 թանալով խոխոջմամբ ընդ գիւղն 'ի վայելս գիւ-
 ղականացն և յարբումն անդաստանաց նոցա :

Այսմ Քարայրի զանուն տան բնակիչքն՝ Աու-
 սաւորիչ, առ գոլոյ 'ի քարինս ոմանս 'ի նմին՝
 ձեակերպութեանց խաչաց անտաշ և բիրտ փոր-
 ուածովք. 'ի միջակիտի քարայրին կանգնեալ են
 վեց թղաչափ բարձրութեամբ բոլորչի քար սիւ-
 նաձև, յոր մածուցանեն զմոմ, վառեն և խունկ
 առ նովաւ ծխեն. իբր թէ Աուսաւորիչն Գրիգոր
 անդ իցէ աղօթեալ կամ ճգնեալ, յորում դեք
 առ աւել բնակին քան Աուսաւորիչն. յոր սակս
 և 'ի ներքոյ խաչին որ փորագրեալ 'ի վերայ սե-
 պաց'ալ ապառաժին կախելոյ զգլխոյ սիւնակին,

յետինք առ խարբալեղոյ (ղբնակիչսն) զուամիկն,
փորագրեալ են սուրբ գրիգոր անունս անարհեստ
գրչաւ :

Մինչև ցերթ Հայաստանեայք կուրորէն այսպէս
զհաստատուն հաւատս քրիստոնէութեան նսեմա-
ցուցանեն 'ի քարինս և 'ի ծերպս քարանձաւաց,
լստ թոյլտուութեան Առաջնորդաց, և 'ի հնարա-
ւոր անձնական շահուցն պէտս, զորոց զգործս ահա
ես լռեմ :

Տեղագրութիւն Մակարայ կոչեցեալ վանայն,
առ էր Մահմաթեալ զ ասացեալ Գեղձ 'ի
Կարապետի Տիրակայ :

Մակարայ վանք կոչեցեալ մենաստան գոյով 'ի
վերոյ քան զՄահմաթեալ գիւղ 'ի ստորոտս
Արագածու յոտն ձորակին որ 'ի հովտացն իջանէ
ընդ զառիվայր գեղջն, էկառուցեալ կոթիածոյ քա-
րանք գմբեթայարկ վայելուչ կերտուածովք .
Եկեղեցին ունի զմիջին լայնութիւն տասներեք
քայլ, և զերկարութիւն՝ տասնեհին. և զերկուս
խորանս կից սեղանոյն յաջմէ և յահեկէ նորա :

Աից արեւմտեան դրան տաճարին՝ է փոքրիկ
ժամատուն, ոյր որմն հիւսիսային կողման միայն

երևի կիսով չափ, իսկ ամբողջ շինուածն հիմն
 'ի վեր տապալեալ :

Յորմունս տաճարին գտան ինչ ինչ արձանա-
 գիրք որ եղծեալք և որ անվերծանելի, յորոց զայս-
 չափ և եթ եղև հնար առնուլ 'ի գիր :

Ի Տախտոց արեւմտեան դարանին :

"Աամաւն Աստուծոյ ես Եղբայր անուն ետու
 զիմ հայրենի այգին, զԲանիէլեանց հողն որ յԱ-
 զին տան 'ի սուրբ սիօն Մակարավանից յառաջ-
 նորդութեան Աարդանայ և տէրութեան տեղւոյս
 Յովհաննէս միակեցի. և սպասաւորք սուրբ ուխ-
 տիս սահմանեցին յամէն տարի պատարագել Զ.
 օր. նոր կիւրակէլն շարաթ աւրն Գ. ինձ. և ա-
 հաղուանն աւր Գ. եթէ որ 'ի մերոց կամ 'ի յաւ-
 տարաց խափանէ, պատժին յԱստուծոյ, կատա-
 րիչքն աւրհնին 'ի Քրիստոսէ" :

Ի Տախտոց արեւմտեան խորանին :

"ՆԾ թուականութեանն Հայոց 'ի Հայրապե-
 տութեան տեառն Սարգսի Հայոց Աթուղիկոսի.
 և 'ի թագաւորութեանն Գազկայ Շահանշահի,
 ես Սահակ հայրապետ . . ."

Յեպոստատ խորանին 'ի վերայ աշխարհի անորոշ
այսպէս Են :
—

"Պատման Աստուծոյ եւ հայր Վարդան եղէ . . .
հին շինութեան սուրբ ուխտիս, և բազում աշ-
խատութեամբ շինեցի զվանքս, աղաչեմ զքնակիչդ
զիս և զճնողս յիշեցէք 'ի տէր" :

Ստորագրութիւն Եկեղեցեաց ինչ յոան
Արագածու :

Տեղագրութիւն Եկեղեցեաց ինչ յոան
Են :

Մեծ Եկեղեցին Թաշնայ Պատուղիկէ անուանեալ
յարձանագրութիւնս իւր, այսպէս ունի զներկայ
գրութիւն իւր :

Պատուցեալ է 'ի հիւսիսոյ գեղջն 'ի տափարակ
վայրի 'ի կարկառս քարանց՝ կարի մեծադիր և խա-
չածե. համակ սրբատաշ քարամբք և քանդակա-
գործութեամբ 'ի դուխս լուսամտաց և 'ի շրջա-
պատս տանեաց. յարեկից 'ի վերայ սեղանոյն
ունի զերիս լուսամուտս 'ի կիսաբոլորակի անդ. որ
է արեկեան թև խաչածե տաճարին, և երկուտա-
սան քայլ լայնութեամբ. որ արտաքուստ երևի

բրգաձև. այսու նմանութեամբ են կողմնական թևք
եկեղեցւոյն բաց 'ի բոլորակ երկուց լուսամտաց,
զորս արևելեանն միայն ունի 'ի վերոյ քան զկա-
մար սեղանոյն, և նոքին՝ զմի մի և եթ :

Վաթուղիկէ սեանց կառուցեալ է 'ի վերայ չորիցն
ունելով զերկոտասան լուսամուտս, այժմ անկեալ,
բաց 'ի կողմանէ արևելեան հիւսիսոյ, յորում են
երեք լուսամուտք խախուտ և քայքայեալք. ունի
զերկուս խորանս երկուստեք սեղանոյն, և զհինգ
զրունս, զերկուս յառաջին դասու և զերկուս 'ի
յեանումն 'ի հիւսիսոյ և 'ի հարաւոյ. և զմի՝ յա-
րեւմտից խոնարհ քան զնոսա, 'ի վերայ այսր դրան
են չորք մեծ լուսամուտք, յորոց 'ի զլուխս հինդ
բոլորչիք ընդ կամարաւն 'ի ներքուստ՝ այսու ձևով
0 0 0. Իսկ 'ի դասու կանանց կամ յերրորդ բաժ-
նի եկեղեցւոյն՝ չորք չորք լուսամուտք յերկոսին
կողմանսն, և յարեւմտեան որմն՝ մի մի մեծադիր
յաջ և յահեակ դրանն, ունելով 'ի զլուխսն՝ զմի
մի ևս բոլորչիս. ընդ այսոցիկ ունի և զերկու լու-
սամուտս յարևելից :

Հարաւայինն հանդերձ արեւմտեան որմով ան-
կեալ է 'ի հիւսանց մինչև ցղուի արեւմտեան դրանն
'ի 1840 ամի 'ի մեծի շարժին :

Չորեքին կամարքն սեանց, յորոց վերայ բոլորակ

ընդարձակութիւն գմբէթին, են հաւաւար բարձ-
րութեամբ. իսկ կամարքն կողմնականք որք իջա-
նեն 'ի սեանց անտի դէպ յորմունս, 'ի թևս եկե-
ղեցոյն՝ են խոնարհ քան զայնս իրրու զգայիանեայ
վանացն 'ի Վաղարշապատ :

Գտան ինչ ինչ արձանագրութիւնք 'ի վերայ
սեանցն, յորոց սիւնն առաջնոյ դասուն 'ի հարա-
ւոյ՝ զիր ունելով յիշատակի, ունէր և թուական
ըստ այսմ :

"ՄԼԲ. թուականութեան". և մնացեալքն սն-
վերձանելէք. (տես յԲ. հատորի 4. Հասկաթուն-
եան. եր. 51) :

Մաստարայ

Մաստարայ (1) գիւղ է 'ի սպառուածս արևմտեան
բաղկաց Արագած լեռին, 'ի ծոցամիջի բլրոցն բար-
ձանց աղխաղխելոց յարևմտից և 'ի հիւսիսոյ

(1) Մաստարայ անունս, նշանակէ Մասն արայ.
զի որպէս աւանդութեամբ հաստիւ է առ մեզ, սուրբն
Գրիգոր Լուսաւորիչ ի բերելն ընդ իւր ի կեսարիոյ
գմասունս Ս. Յովհաննու, մասն մի ամփոփեալ է
անդէն, յորոյ վերայ կառուցեալ է Եեկեղեցին յանուն
սրբոյն Յովհաննու. եւ գիւղն կոչեցեալ Մաստարայ :

գեղջն. որոց ստորուոք աւարտին 'ի տափարակ
 դաշտավայրն երկայնեալ մինչ ցափն Ախուրեան
 դետոյ 'ի հարաւային ծայր Շիրակայ գաւառին.
 քստ որոյ այս պիւղ Մաստարայ յաւէտ անկանի
 'ի հարաւային մասին Շիրակայ, քան յԱրագածոտն.
 քանզի գրեթէ վերջացեալ իսկ է յարե-
 կից նորա՝ սոն Արագածու, ուստի սկսեալ են
 աղխաղխ ըլլոցն իրրե գօտիք, որպէս ասացաւ,
 մեծի լերինն, որով և առաւել է մերձ յԱխուր-
 եան, քան յԱրասխ: Իսկ դաշտավայրն տարածեալ
 յարեւմտից գեղջն յԱխուրեան՝ է արտատեղի
 Մաստարայ գեղջ:

Սկեղեցի սորա կառուցեալ է 'ի միջավայրի գեղջն,
 անուամբ սրբոյն Յովհաննու Աարապետի, բոլորակ
 իաչաձև. ունի գմբէթ ընդարձակ հաստատեալ 'ի
 վերայ կամարացն թևոց, զի չունի զսիւն. և 'ի
 նմա ութն լուսամուտք, չորեքին թև եկեղեցւոյս
 արտաքուստ են բրգաձև, և ունին զմի մի լուսա-
 մուտս, իսկ շրջապատ տանեացն՝ հաւասարաչափ
 բարձրութեամբ, և շրջանակաւոր զրուազագործ
 քարամբք, 'ի մանրագոյն բոլորակ խորշս փորեալք:

Վաթուղիկէն լայնանիստ և բարձրաբերձ 'ի բո-
 լորշութեան իւրում, է անկիւնաւոր. և ընդ մէջ
 անկեանցն՝ ութն խորշք ծոցացեալք մինչ 'ի վեր-

ջին շրջանակն, յորմէ և 'ի վեր՝ աւարտեալ է գմբէթն անխաչ :

Արեւմտեան դուռն եկեղեցւոյն որ շարեալ է յաւուրց պարսկային իշխանութեան. և առ նոքօք պատնէշ ամբարձեալ յարեւելից ընդ հիւսիս, ամբարտակ բարձր որմոյն համակ 'ի կուփածոյ քարանց՝ կայ կիսակործան կանգուն, և 'ի հիւսիսոյ ցարեւմտեան թևս եկեղեցւոյն հիմունք պատնիշացն ցվերին կամարս արեւմտեայ դրանն կրաշաղխ կան մնան. նոյնպէս և մարդաչափ բարձրութեամբ պատնէշն 'ի վերայ տանեաց՝ շրջապատ զկաթուղիկէիւն մնան կանգուն ցարդ և մնասեալ են շինուածոց եկեղեցւոյն ուրեք յանկիւնսն :

Զորս յարձանադրութեանց անյիշատակ թողու
 4. Շահխաթունեան, մեք առնումք աստէն 'ի նիւթ ստորագրութեան Եկեղեցւոյս :

Ի ճակատ արեւմտեան դրանն 'ի գլուխ լուսամտին առանձին կամարաւ, ուր երևի անուն կառուցանողի տաճարիս՝ 'ի մէջ եղծելոցն տառից . յորոց 'ի միջավայրին փորեալ են խաչ ծաղկանկար, ըստ այսմ .

Ստորոծոյ Աջովն

Գրի գոր թողն Վասակայ շինեցաւ .

ապաւէնս

փրկել զՔրիզոր "

Ի ճակատ հարաւային դրանն՝ ըստ այսմ "Յամս տեառն Թէոդորոսի Գնունեաց Եպիսկոպոսի շինեցաւ Աստուածածին տունս քաւել զՔրիզոր անարժանս" :

Ի բարձրութեան արեւմտեան թև եկեղեցւոյն , ուր գրեալ է արձանագիրն Գոհանամ զԱստուծոյ 'ի ներքոյ սորին զնի արձանագիր ինչ հանդերձ թուականաւ . օրինակ զայս . Ամաց ամ տեառն ՅԾԹ . նաւակատիք սրբոյ Եկեղեցւոյս 'ի յիշատակ Եպիսկոպոսիս :

Ի ներքոյ սորին՝ արտաքոյ յառաջ բերելոցն 'ի շ . Շահխաթունեանցէ , զնի և այս արձանագիր մեծ , թողեալ 'ի նմանէ :

"Ի ՆԾԹ . թուականութեան եւ 'ի Հայրապետութեան տեառն Սարգսի Հայոց Աթուղիկոսի շնորհին Աստուծոյ կամ եղև ինձ Գաղկա Շահինշահի որդոյ Աշոտոյ՝ թողուլ զՄաստարաի հակին զաւելորդն ՁՆ . և ամի ԵՌ . վասն կենաց անձին իմոյ , և որդոց իմոց , որ չկարէ որ աւելի քան զայս առնուլ յորդեաց իմոց կամ 'ի թոռանց . և եթէ տունու որ արծաթն այն , եղիցի նմա որպէս զարծաթն յուգայի մասնչի խեղդեալ 'ի կո-

բուստ, եւ յամենայն արժանաւոր սրբոց. եւ 'ի սրբոյն Քրիզորէ նշովեալ եղեցի. եւ մեղաց պարտական առաջի Աստուծոյ :

Ի ներքոյ սարին գիր Յոնական :

ΠΘΡΛΛ
ΟΙΤΑΚ

Տեղագրութիւն Եղեցոյն Արիւման գեղըն :

Եկեղեցին Ատիւսամանու անուանակոչութեամբ սրբոյն Քէորզայ, է ընդ գեղըն կառուցեալ 'ի ծործորս արեւմտեան բաղկաց լիրին Արադածու, բուրբակ խաչաձև քսան և հինգ քայլ երկայնութեամբ 'ի ներքուստ սկսեալ 'ի սեղանոյն ցրուոն արեւմտեան. իսկ լայնութիւնն քսան քայլ 'ի հիւսիսային թևէ ցհարաւայինն. գեղեցիկ շինուած յար և նման շինութեան Հռիփսիմեայ վանաց 'ի Աաշարչապատ. և իւրք ևս գերազանց քան զայն. զի ընդ մէջ բոլորակ թևոց խաչաձև եկեղեցւոյս, 'ի չորեսին կուսէ ևս են նեղասպոյն բրգաձև թևք իբրև ճաճանչ 'ի թևս խաչի. 'ի չորեսին յայտօսիկ բոլորակսն՝ են զրուէք չորից խորանաց որպէս և Հռիփսիմեայն, յարեելից և յարեւմտից. 'ի զուխըս այսոցիկ բրգաձև անկեանց եկեղեցւոյն, սե-

ղանոյն և չորից խորանացն՝ ՚ի շրջապատս գմբեթին ՚ի վերայ տանեացն, են մի մի բաւականաչափ պահարանք ընդարձակ ընդ ամէնն տասն. յորս են դաղտնի ճանապարհք ընդ մէջ իրերաց և յորմունսն ՚ի վայր. յորս և մտաք և շրջեցաք :

Տաճարն ունի զչորեսին լուսամուտս, և առ յաւէտ բողորակութեանն՝ է անսիւն. այլ ՚ի վերայ չորից կամարացն՝ հաստատուն կառուցեալ գմբեթներկոտասան լուսամտօք. իսկ ծայր գմբեթին, ուստի սկսանի գլուխն սրածայր, անկեալ է այժմ. զոր ներկայ բնակիչք գեղջն փայտածածկ արարին :

Յամենեսին ՚ի սոսա չգտաւ արձանագիր և ոչ մի. բաց յանուանէս Գրիգոր, ՚ի ճակատ արեմտեան դրանն, ՚ի դրուագս անդ կիսաբողորակ կամարի լուսամտին, գրեալ յիւրաքանչիւր հատուածի՝ մի մի տառ ՚ի բարձրութեան անդ որմոյն :

Չունի տեղի աւազանի, որպէս և Եկեղեցին Մաստարայ և այլ այսր կողմանց Եկեղեցիք :

Զարրնճի Գիւղ. և առ նովաւ Եկեղեցին հոյակապ :

Զարրնճի անուանեալ գիւղատեղի (նախնի անունն անյայտ) է ՚ի ծայրի սպառուածի արեմտեան բազկաց Արագածու, ուր հովիտք դալարաւէտք

տարածին ցափն Ախուրեան գետոյ մերձ ՚ի սահմանագլուխս Ռուսաց և դաշտին Մաստարայ, մօտ յԱնի քաղաք. որոյ է իբրև ամարանոց. զի յԱնոյ և այսր յարևելս իւր յայսկոյս գետոյն քարձրանայ դաշտավայրն յոտս մեծի այսր լերին, ուր է աւերակ գեղջ ամայի անջրգի, բայց սիզաւէտ և դաղարավայր. որոյ ջուր ՚ի հնումն եկեալ է ՚ի Մաստարայ գեղջէ յառուակէն և այժմ՝ անուանեալ նախավկայի, որ երևի յայտնապէս ՚ի լանջս աղիսաղխեալ բլրոցն, որք մի ՚ի մի կցելով երկարեն և միանան յոտն Արագածու, որք որպէս այլուր ասացեալ ենք, բազուկք համարին լերինն :

Այս ճանապարհ ջրոյ յայն սակս անուանի Նախավկայի, զի ՚ի բլուրն ՚ի վեր յորոյ ՚ի լանջսն է սուուն և ՚ի ներքոյ այնր գիւղն Մաստարայ, զոյ մատուռն անուամբ Նախավկային Ստեփաննոսի հեռաւորութեամբ ՚ի Չարընձեոյ իբրև երկուց ժամուց ճանապարհի :

Եկեղեցի գեղջս սրբատաշ քարամբք կառուցեալ է ՚ի հիւսիս նորա և է անսիւն. բոլորակ, խաչաձև, փոքրիկ և գմբէթարդ կանգնեալ ՚ի վերայ չորից կամարակապ բրգաձև թևոց. որոց կամարք ամբողջ ընդ կաթուղիկէիւ. այլ յարկք նոցա խոնարհեալ բաց ՚ի հիւսիսայնոյն. արտաքուստ միւ-

օրովն քանդակագործութեամբ և վնց լուսամտօք
միայն մի մի յարեկեան և յարեմտեան թևան,
և զոյգ զոյգ 'ի հարաւային և 'ի հիւսիսայինսն .
յաջակողմն սեղանոյն՝ է մի խորան և մի այլ վեր-
նայարկ 'ի վերայ նորա. որոյ մուտք է 'ի միջոյ
ներքնոյ խորանոյն :

Նկեղեցին ունի զերկուս դրունս, զհարաւային
փոքր և զարեմտեանն մեծ. 'ի չորեաին բրգաձև
թևս նորա են չորք սլշես լուսամուտք, որք որպէս
ասացաւ, զնկեղեցին խաչաձև կացուցանան ար-
տաքուստ, այլ խորանն աջակողման կորուսանէ 'ի
հիւսիսոյ արտաքուստ զխաչաձևութիւնն. զի երևի
իբրև կցուրդ յորմն եկեղեցւոյն. գմբէթն արտա-
քուստ է ութանկիւնի ամբողջ տակաւին և ութն
փոքրիկ սեամբք 'ի շրջապատսն. որք են օձաձև
ոլորածոյք և մանր փորուածովք միւսիովն քա-
րամբք. համակ շինութիւն տաճարին է 'ի կարմիր
յղկեալ քարանց. յորս գրեթէ յամենեսին գրեալ
են առանձին առանձին տառքս մ. ս. դ. ո: չգտաւ
այլուր արձանագիր . յիշատակի. բայց թէ 'ի հիւ-
սիսային թևս եկեղեցւոյն այս ինչ մեծ մասամբք
եղծեալ :

"Ես Թամար ծառայ Աստուծոյ, որ ագա . . .
յաղաւթս յիշեցէք"

Մաղարջուղ գիւղ

Մաղարջուղ գիւղ 'ի բարձրաւանդակ հովտի արեւմտեան լանջաց Արագած լեռին. 'ի բարձրութեան անդ 'ի վերոյ քան զՄաստարայ. բնակիչք նորա են տունք տասնեւհինգ 'ի Բագրեւանդայ 'ի գեղջէից Աաղարշակաւանայ գաղթեալք անդ քսան երկու ամօք յառաջ, յորում նախ քան զայն չէին բնակութիւնք, այլ ամայի էր գիւղն :

Քոյ գեղջս 'ի հնուց երկու եկեղեցի Ամենափրկիչ և սուրբ Յովհաննէս անուամբ, զորս երեւի թէ նորոգ անուանակոչեալ են՝ Առաջին որ և մեծն է այժմ աւերակ արտաքոյ գեղջն յարեւելից նորա, յայժմեան գերեզմանոցին, որ և գոյրն, ասեն, 'ի հնուց. և է սագաշէն կոպիտ քարամբք. կարի յետոյ կառուցեալ քան զփոքրիկ գմբէթաւոր եկեղեցին. կիսաբոլորակ կամար խորանին կանգուն կայ հանդերձ հիւսիսային որմով. իսկ մնացեալ շինութիւնն խոնարհեալ այժմ. յորմն հիւսիսային երեւին երկոքին որմասիւնք յորոց ձգեալ են կամարք 'ի հարաւկոյս. ուր և մերձ յորմն արեւմտեան 'ի վերայ մնացորդ որմնն երեւի որմասիւնն :

Մի գուռն ունի տաճարն յարեւմտից, 'ի շրջա-

պատս նորա յաւերակսն անդ երևին տեղիք սե-
նեկաց. այլ ոչ գոյ արձան յիշատակի :

Եկեղեցին երկրորդ ընդ մէջ գեղջն գոլով 'ի հիւ-
սիսոյ՝ է փոքրիկ խաչաձև և գմբէթարգ. անխո-
րան և անաւազան. ունի մի սեղան և մի դուռն
յարևմտից :

Տեղագրո՞ւնի՞ն Ամբո՞ղիէ Եկեղեցոյ Ա-
րո՞ծ Ամնի :

Հոյակապ եկեղեցի Արուճ աւանի յԱրագածոտն
չինեալ 'ի Գրիգորէ իշխանէ Մամիկոնեան, է կարի
մեծ, երկայնութեամբ յառաջոյ սեղանոյն ցդուռն
արևմտեան՝ քառասուն քայլ և լայնութեամբ՝
քսան և վեց. չունի զսիւն յայսմիկ երկարութեան
իւրում. այլ կաթուղիկէն կառուցեալ 'ի վերայ
չորից որմասեանց, որք վերուստ 'ի վայր յառա-
ջացեալք են յորմոյն ընդ մէջ Եկեղեցւոյն իբրև
բկոտասան ոտք. բաց 'ի չորից կամարացն, յորոց
վերայ կաթուղիկէն, են և այլ երկու կամարք 'ի
հիւսիսային որմունս եկեղեցւոյն ստոր քան զմի-
ջինսն յառաջացեալ նովին լայնութեամբ ընդ մէջ
եկեղեցւոյն. կամարքն են առ հասարակ երկկարգ,
և 'ի ներքին խարսխաց ցխարխսն վերին՝ եղբրքն
են անկիւնաւորք և միջին վայրն է բոլորչի :

Ի յետին դասու յերկուց կողմանց են երեք կարգ և կամարաւոր լուսամուտք մեծք. իսկ 'ի ճակատս երկց դրանցն՝ չորք, երկու մեծ 'ի խոնարհ յաջ և յահեակ կոյս դրանն. և երկու միակարգ և փոքունք 'ի դուխս դրանցն. երկու երկու յառաջին դասու նոյնպէս յերկուց կողմանց և երեք մեծ յաւազ խորանն, որոյ վէմքարն ցարդ անկեալ առ տեղեան, վերնախարիսխք կամարացն են ոչ իբրև այլ եկեղեցեացն դրուագաւորք, այլ հաւասար յորմն բարակ շրջանակօք որոշեալ. Աթուղիկէն խոնարհեալ է իսպառ. վասնայսորիկ և ցկէս բարձրութեան դրանցն լցեալ է եկեղեցին քարամք և կրովք աւերանաց. երկու ևս խորանք ի կողմանց սեղանոյն, առ հնութեանն չունի տաճարն 'ի ներքոյ զդրուագաւոր քանդակագործութիւնս :

Հինգ դրունք են տաճարիս մեծի. որոց զառաջեաւ ամբարձեալ են բրգունս ներկայ մահմէտական բնակիչք. և զմին 'ի հարաւոյ միայն թողեալ, ընդ որ լցեալ 'ի ներքս մակաղեն զխաշինս 'ի ձմերան, յապահովութիւն 'ի գազանաց :

Արձանապրութիւնք եկեղեցւոյս յառաջ բերեալ են 'ի Շահխաթունեանցէ քաղուածովք յիւրումն

ստորագրութեան, զանց արարեալ զբազմօք ան-
վերժանելի եղելովք ՚ի մերում տեսութեան :

Այս Կաթուղիկէ Եկեղեցի Արուճ (Թալիշ)
աւանի կառուցեալ է ՚ի Գրիգոր Իշխանէ Մամի-
կոնեան յամի Տեառն 671. և է Հնագոյն գրե-
թէ քան զայլ եկեղեցիս եղնալս յԱրագածոտն
գաւառի :















